

清經解卷四百四十二

學海堂

十駕齋養新餘錄

嘉定錢宮詹

大昕

著

簪當作戠

朋盍簪古文簪作貸京作攴馬作臧荀作宗虞作戠戠叢合也
 予謂三代以前無簪字當以戠為正與上大有得句協韻攴
 臧宗簪皆聲之轉唯古文貸無義當是轉寫誤耳戠與埴同禹
 貢厥土赤埴墳孔傳土黏也埴鄭康成本作戠徐鄭王皆讀曰
 織攷工記搏埴之工鄭亦訓埴為黏土是戠埴同物皆取黏義
 黏與合義相成也

像

象也者像此者也象也者像也兩像字唐石經初刻皆作象此

古本也後人添人旁當以初本為善古人以義訓名不嫌同文如孟子徹者徹也上下兩徹無異形亦無異讀也

蜀石經毛詩

江有汜三章皆有之子歸句蜀石經歸上竝有于字子攷二百篇中云之子于歸者不少矣之子于征之子于苗之子于狩之子于釣皆四字句此篇亦當依蜀本有于字

昔育恐育鞠蜀石經無下有育字以四字成句亦視它本為勝

左傳服杜之學

南史儒林崔靈恩傳靈恩先習左傳服解不為江東所行乃改說杜義每文句常申服以難杜遂著左氏條義以明之時助教虞僧誕又精杜學因作申杜難服以答靈恩世竝傳焉王文規

傳自梁代諸儒相傳為左氏學者皆以賈逵服虔之義難駁杜

預凡一百八十條元規引證條析無復疑滯

春秋十二公紀年

春秋正義於十二公之首必云自是歲歲在某次因此可知太歲所在此必先儒相承之舊文非孔冲遠所能及也

隱公元年歲在豕韋太歲當在甲寅今日巳未

桓公元年歲在元枵太歲當在乙丑今日庚午

莊公元年歲在鶉火太歲當在癸未今日戊子

案莊公即位卅二年以常率計之其末年太歲當在甲寅歲

星應在豕韋而正義云閔公元年歲在大梁者依三統術莊

廿三年入歲星歲數正在超辰之限太歲超乙巳入丙午歲

星亦超實沈入鶉首矣依此算到莊公末年星已至降婁則
閔公初年正在大梁也此非精于算術者不能知孔氏於三
統元起丙子之故全然未曉轉信虞恭諸人說以庚戌爲上
元詩疏所引三統術率與本術不合安能精思及此

閔公元年歲在大梁太歲當在丙辰今日庚申

僖公元年歲在鶉首太歲當在戊午今日壬戌

文公元年歲在降婁太歲當在辛卯今日乙未

宣公元年歲在壽星太歲在己酉今日癸丑

成公元年歲在降婁太歲在丁卯今日辛未

襄公元年歲在壽星太歲在乙酉今日己丑

昭公元年歲在大梁太歲當在丙辰今日庚申

昭十五年距莊廿二年滿百四十四歲又值超辰之限歲星
超鶉首入鶉火太歲超庚午入辛未服子慎所謂有事于武
宮之歲龍度天門是也自此年歲在鶉火算至卅二年正在
星紀故有越得歲而吳伐之之占歲星超辰在左氏固有明
文矣

定公元年歲在元枵太歲當在己丑今日壬辰

哀公元年歲在大梁太歲當在甲辰今日丁未

春秋十二公二百四十二年太歲干支與今人所推不同前
後亦分三段自莊廿三年以前相差五辰如隱元年本甲寅
而今人以爲己未是也昭十五年以前相差四辰如襄廿一
年本乙巳而今人以爲己酉是也昭十五年以後相差三辰

如哀十六年本已未而今人以爲壬戌是也

譙周注論語

譙周論語注十卷梁時尚存劉昭注續漢書曾一引之鄉人儻注儻卻之也以葦矢射之

孟季子問公都子

告子以義爲外病在以長爲義孟季子習聞其說故亦以義爲外公都子雖以行吾敬曉之似以伯兄之親而仍爲鄉人之長所奪是敬不敵長矣敬卽在內長實在外卽曰斯須之敬而此敬終從彼長而起安得云在內此公都子所以不能答也及孟子有敬叔父與敬弟之難叔父之敬以分不以年而弟則幼于我者弟非長而亦有當敬之時則義在敬不在長而彼長而我

長之之說不攻自破矣厥後季子再難不能更執長字方知孟子立言之妙

酌則誰先曰先酌鄉人此鄉飲正齒位之禮其時鄉人伯兄咸在賓位當以齒序所謂鄉黨莫如齒也若伯兄宴客而弟爲行酒則不論年紀長幼總當先客豈有先酌伯兄之理何必計其長一歲否邪

諸經音

陸德明云爲易音者三人王肅李軌徐邈爲尙書音者四人孔

安國鄭元李軌徐邈陸云漢人不作音後人所託爲詩音者九人鄭元徐邈

蔡氏孔氏阮侃王肅江惇干寶李軌近有沈重亦撰詩音爲禮音者鄭元

王肅李軌劉昌宗徐邈射慈謝楨孫毓曹耽尹毅蔡謨范宣徐

爰射慈以下王曉音周禮近有戚衮作周禮音沈重撰周禮禮記音春秋左氏音則服

虔高貴鄉公嵇康杜預李軌荀勗徐邈王元規又撰春秋音公羊音有李

軌江惇論語有徐邈音老子有戴逵音莊子有李軌徐邈音爾

雅則陳施乾謝嶠顧野王竝撰音

忠

論語釋文於泰伯先進兩篇俱有忠字云古臣字案一忠為臣其義淺鄙當因艸書臣作𠄎與一忠相似俗生附會成之陸德明著書在隋季已有此字蓋出六朝人妄作陸氏切為古文由於不精小學故也戰國策亦有壘忠字姚宏校本以武后所造深疑之子謂武后頒行十二字亦有所本非盡出孔造要是魏晉以後增加之字若切作秦漢古文則惑矣

古今音異

聲音與時變易未易更僕數畧舉一二言之古讀富如備廣韻

以富入宥韻蓋齊梁以後之音轉重唇為輕唇也宋元以來讀

富如傅南北無異音不復知其有韻矣古讀不如不轉音跗

萼之跗春秋傳三周華不汙詩鄂不韡韡鄭箋亦用此義也廣

韻兩收于平聲九韻入聲物韻一讀如浮一讀如弗已非三代

秦漢之音矣黃公紹韻會又收於入聲屋韻讀不為卜與廣韻

兩音復不同今南人多讀不如鉢與弗亦有重唇輕唇之別唐

宋人應試詩賦官韻有不字者必押入九韻今人則押入物韻

論古音四聲者以緝合盍葉怙洽狎業乏為侵覃談鹽添咸銜

嚴凡之入聲今以古音求之亦有未甚協者 答對也詩雨無

正篇讚言則答與退遂醉諄為韻 蓋在泰部从益聲古書多

以益蓋通用 檀弓以益為益 今吳中方音讀蓋如敢聲相近而譌非三

代秦漢之音 碓又入易韻 立古位字春秋公卽位古文作立位當

从立得聲 納內聲古書出納字或作內內亦當从入聲詩小

戎以納與合邑韻而內在隊韻訥在沒韻納在黠韻 介甲也

古甲冑字或作介 急與亟通易井九三汲與食惻福韻 葉

世聲渫从葉并渫 息列反徐禮葱渫以制食列反 渫繼皆在僻韻又从


葉之字或入葉或入僻 易傳多以業與德韻 忝天聲三百

篇雖有忝字然不以協韻未可以隋唐之音遽仞為古音 侵

部緝非侵之入聲詩以輯與洽韻緝與蟄韻 合非覃之入聲

詩以集與猶咎為韻答與退韻納軻皆內聲罨晉皆俗字

工部都水司郎中臨川李秉綬刊



皇清經解卷四百四十二終

嘉應生員溫心源校

錢官詹十駕齋養新餘錄

